



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-040-4/25**

Datum: **06.03.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «FARMA-EURO» d.o.o. Vitez za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta kompleksa Farme muznih krava izgrađenog u naselju Krčevine, općina Vitez, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06 i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «FARMA-EURO» d.o.o. Vitez daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta kompleksa Farme muznih krava izgrađenog u naselju Krčevine na zemljištu označenom kao k.č. broj: 4571 K.O. Preočica, općina Vitez.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog kompleksa objekata i uz sljedeće uslove:
 - 2.1. Da se upotreba i korištenje predmetnog kompleksa Farme muznih krava u naselju Krčevine, općina Vitez vrši u skladu sa njegovom prirodom i namjenom te u skladu sa uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se sistem za prikupljanje i prečišćavanje otpadnih voda i objekti na lokalitetu predmetnog kompleksa održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 2.3. Da se, za vrijeme trajanja ove dozvole, obezbijedi da se tehnološke otpadne vode nastale u prostoru za mužu krava i u prostoru za skladištenje mlijeka nesmetano sakupljaju i odvođe zajedno sa onečišćenim otpadnim vode nastalim pranjem platoa ispred ulaza u prostoriju sa laktofrizom do objekta za tretman tehnoloških otpadnih voda (mastolov). Prečišćene vode se preko okna za monitoring zajedno sa sanitarno fekalnim vodama prečišćenim u biološkom uređaju ispuštaju u Preoški potok.
 - 2.4. Objekte čija je svrha prikupljanje, odvodnja i tretman otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje objekata za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru.
 - 2.5. Objekte koji se koriste u svrhu prikupljanja, odvodnje i tretmana otpadnih voda i instalirana oprema (kanalizaciona mreža, slivnici, slivničke rešetke, mastolov, biološki uređaj...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Prečišćene otpadne vode nastale u prostoru za mužu krava i prostoru za skladištenje mlijeka (pranjem postrojenja za mužnju, opreme, kanti podova prostorija) prije ispuštanja u recipijent, moraju ostati u maksimalno dopuštenim granicama definisanim u Prilogu 4. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.7. Da se kod održavanja objekta praktikuje suho čišćenje radnih površina i opreme prije pranja vodom, da bi se uklonile organske nečistoće, trošilo manje vode za pranje i time smanjilo zagađenje u otpadnim vodama.

- 2.8. Da se đubrivo iz objekta za smještaj muznih krava, a nakon sazrijevanja u izgrađenom betonskom spremniku (laguna) aplicira na poljoprivredne površine u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
- 2.9. Da se spriječi nekontrolisano rasipanje tečnog i krutog otpada po okolnom zemljištu.
- 2.10. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i vode).
- 2.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom a za zbrinjavanje istog potpiše ugovor sa firmom ovlaštenom za tu vrstu djelatnosti.
- 2.12. Otpad nastao u procesu funkcioniranja predmetne farme, talog iz mastolova i biološkog uređaja kao i ostali opasni i neopasni otpad, ne smiju se ni privremeno odlagati na česticu «vodno dobro» odnosno u vodotok i na njegove obale.
- 2.13. Vlasnik odnosno korisnik kompleksa je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.14. Vlasnik odnosno korisnik kompleksa je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik predmetnog objekta Farme je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog kompleksa Farme obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom kompleksu Farme obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta farme dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica «FARMA-EURO» d.o.o. Vitez dana 29.01.2025. godine podnesen je ovoj Agenciji zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta kompleksa Farme muznih krava izgrađenog u naselju Krčevine na zemljištu označenom kao k.č. broj: 4571 K.O. Preočica, općina Vitez.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 051-0-RegZ-24-001942 izdatog 04.12.2024. godine od strane Općinskog suda u Travniku,
- Ovjerena kopija Uvjerjenja o registraciji poreznog obveznika izdatog dana 09.06.2021. godine od strane Porezne uprave Federacije BiH – Kantonalni porezni ured Novi Travnik,
- Ovjerena kopija Rješenja o odobrenju za građenje (izvođenje radova na adaptaciji objekta – farma za tov junadi u farmu muznih krava) broj: UP I 06-19-4-1217/22 izdatog dana 07.11.2022. godine od strane Službe za imovinsko pravne poslove, katastar i urbanizam Općina Vitez,
- Ovjerena kopija Rješenja o odobrenju za upotrebu broj: UP I 06-19-5-1272/22 izdatog dana 17.02.2022. godine od strane Službe za imovinsko pravne poslove, katastar i urbanizam Općina Vitez,
- Specijalna punomoć data za Kavaz Tahira iz Zenice od strane direktora društva «FARMA-EURO» d.o.o. Vitez dana 13.06.2024. godine,
- Kopija Rješenja o vodnoj dozvoli za korištenje vode i ispuštanje sanitarno fekalnih voda broj: 06-21-4747/23 izdatog dana 10.10.2023. godine od strane Ministarstva poljoprivrede, vodoprivrede i šumarstva Srednjobosanskog kantona,
- Kopija Rješenja o ispunjavanju veterinarsko-zdravstvenih uslova (kapacitet 101 grlo) broj: UP1-06-20-5817/21 izdatog dana 02.08.2022. godine od strane Ministarstva poljoprivrede, vodoprivrede i šumarstva Srednjobosanskog kantona,
- Glavni projekat za Farmu muznih krava Investitora «FARMA-EURO» d.o.o. Vitez - rekonstrukcija i adaptacija objekta urađen od strane «GAMES» d.o.o. Travnik (šifra: P - 50/21, oktobar 2021. godine)
- Glavni projekat vanjskog uređenja za Farmu muznih krava Investitora «FARMA-EURO» d.o.o. Vitez urađen od strane «GAMES» d.o.o. Travnik (šifra: VO-57/22, juli 2022. godine)
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog kompleksa Farme u naselju Krčevine, općina Vitez i tom prilikom je sačinjen Zapisnik o uviđaju broj: UP-1/21-3-40-40-3/25 od 25.02.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni kompleks Farme muznih krava «FARMA-EURO» d.o.o. Vitez izgrađen je u naselju Krčevine, općina Vitez na lokalitetu na kojem je ranije postojao objekat farme za uzgoj junadi. U toku 2022. godine završena je totalna rekonstrukcija i adaptacija objekata farme.

Trenutni kapacitet farme je oko 100 grla muznih krava sa dnevnom proizvodnjom oko 2 tone mlijeka. Mlijeko dalje preuzima firma «INMER» d.o.o. Gradačac. U sklopu kompleksa izgrađen je objekat za smještaj muznih krava sa prirodnim ventiliranjem (visoko prizemlje-dimenzija 52,25 x 24,40 m), administrativni objekat, nadstrešnice za silažu i telad, silosi za hranu, laguna, mastolov, biološki uređaj, prilazna saobraćajnica.

Prostori unutar objekta za smještaj muznih krava su podijeljeni na ležišta, prljave hodnike, hranidbena postolja, čekalište i izmuzište. U južnom dijelu objekta sa zasebnim ulazom je smještena mljekarnica, tehničke prostorije i sanitarni prostor za uposlene. Između prostora ležišta za krave izgrađeni su kanali za sakupljanje tečnog stajnjaka koje se mehaničkim putem (putem 4 skrepera za gnoj) odvodi preko kanala u betonsku vodonepropusnu lagunu kapaciteta 2.000 m³ (Ø20/h=6,0 m). Potrebna konzistencija stajskog đubriva se postiže aktiviranjem mješača u laguni. Nakon odležavanja, đubrivo se odvozi na poljoprivredne površine u vlasništvu Investitora.

Snabdijevanje vodom kompleksa obezbijeđeno je priključkom na gradski vodovodni sistem kojim upravlja JP «VITKOM» d.o.o. Vitez a sanitarno fekalne vode iz toaleta za uposlene se prikupljaju zasebnim kanalizacionim sistemom i odvođe na tretman u biološki uređaj (SBR_REG_20) za što je od strane nadležnog Ministarstva Srednjobosanskog kantona izdat vodni akt.

Tehnološke otpadne vode nastale pranjem instalisane opreme za mužu, pranjem kanti, pribora, radnih površina i podova u prostoriji izmuzišta se zajedno sa vodom nastalom pranjem laktofriza (kapacitet 5 tona) i poda prostora za skladištenja mlijeka odvođe zasebnim kanalizacionim sistemom na tretman u mastolov. U mastolov se putem linijske rešetke i kanalizacione mreže odvođe na tretman i vode nastale pranjem platoa ispred južnog ulaza u objekat gdje je prostorija sa laktofrizom. Prečišćene vode se preko okna za monitoring zajedno sa prečišćenim sanitarno fekalnim vodama ispuštaju u Preoški potok.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog kompleksa Farme na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «FARMA-EURO» d.o.o. Vitez, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta kompleksa Farme muznih krava izgrađenog na naselju Krčevine, općina Vitez, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog kompleksa objekata utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-040-2/25 od 17.02.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- «FARMA-EURO» d.o.o. Vitez
- Krčevine bb, 72230 Vitez
- Ⓢ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava